

舉
鼎
記

半

島

上

舉鼎記

古本戲曲叢刊初集

古本戲曲叢刊編刊委
員會據長樂鄭氏藏鈔
本影印原書葉心高二
十二公分寬十五公分

舉鼎記傳奇目次

卷上

始白

仙維

夢助

獻計

約寇

覆命

看表

庭慮

圍試

起程

寇操

遇寇

失寶

勸劍

卷下

求將

擒寇

合兵

觀山

打圍

截寶

說寇

回城

重困

舉鼎記傳奇卷上

第一折 始白

(末上)周室衰頽。干戈列國。秦主謀為。百里獻計。讒譖起心。虧
十條。斷龍截虎。害諸侯。插翅難飛。若不虧淮南勇將。休想生
回。難伏紅山寇。結金蘭義士。道破因依。舉金鼎。懸牌挂劍。割
衫襟。秦楚于飛。黃河套展雄助力。方脫災危。

(照常云云下)

第二折 仙維

(點絳脣)十二雲童舞上。法授清高。長生術妙。逍遙樂。雲霧漫霄。
瑞靄隨風到。

祥雲万朵是仙根。采到陰陽瑞氣成。乾坤和泰當吾獻。以助
人間福善門。今當太上老君丹成之日。我等各獻祥雲。在此
伺候。(八仙童引老君上)

(端正好)卧祥雲。食芳草。歎光陰。日月昏朝。看著這乾坤浪蕩無
窮世。止存那青山不老。

清虛祕府鎮千年。兜率宮宮永碧天。久矣不聞塵世語。金爐
九轉出仙丹。我清虛教主李老君是也。今日爐丹煉就。有緣
普度。超出世外。偶爾慧眼高張。見陝西秦穆公蓄心起衅。他
乃上方白虎星。下界擾亂周朝。以完劫數。玉帝垂恩。令遣左
喪門投胎伍氏。喚名伍員。著他扶助周室江山。以保各路諸

候。臨潼赴會。吾當賜他金丹一粒。助力成功也。

(滾繡球)待傳他神飛槍輕蕩搖。待賜他煉千年金丹妙。這其間長生不老。笑面秦皇幻魔色。空排下瞞天十條計。反被那楚英齋顛倒。怎似俺在兜率宮無榮辱。煉五行全不管塵囂。金爐不斷千年火。繞殿祥雲萬載飄。此樂滔滔。

仙童何在。速往南天門召取大力神到來。(仙童應下)(老)我想伍員一人。怎保得五路諸侯也。

(叨叨令)俺羨那赴臨潼淮南少保。諸王在門寶台參圍套。割衫襟逼穆公筵前鬧。出潼關擒奸王虧了紅山盜。兀的不暢殺人也麼哥。兀的不暢殺人也麼哥。受皇恩封王爵。纔獻得忠良兆。

(仙童引大力神上)清虛教主枉召小神那廂使用。(老)只因下界伍員。忠心貫日。孝感天廷。他今保各路諸侯。臨潼赴會。特遣尊神。傳他追魂奪命神槍。聽吾分付。

(脫布衫)按指點門路分曉。傳與他神槍奇妙。萬難中取勝咽喉。收雄冠西秦難料。

(神)老君勅令。小神敢不依遵。只是天凡各別。這追魂奪命槍。教小神怎樣相授。(老)這也說得有理。仙童取我金丹葫蘆過來。(仙童捧葫蘆上)(老)這葫蘆呵。

(小梁州)休觀此物些微小。內藏著奧妙奇高。粒粒金丹人間少。無價寶。賜食與楚英豪。

我當親自下界。傳他神槍。併賜金丹便了。(背葫蘆袖金丹行)

介

公篇這的是天公註定前生造。休想做有甚蹊蹺。善惡事分明。報只在遲早。都只為善根苗。

(煞尾)俺下塵凡聽哀猿嘯。鶴唳鸞鳴雁舞高。看祥雲片片天花落。盡助那忠孝善門高。(下)

第三折 夢助

(引)生上氣吐凌雲表。誓掃清四海。正當年少學成文武藝。尚抱負空懷。未展龍韜。暫爾權休。肯廢却雄心潦草。且安心甯耐。晨昏時習。有日名標。

林木清風憶孝基。礪溪千古悵雲期。屠龍伏虎菑邱劍。駕日
虛懷文武齊。小生姓伍名員。表字子胥。郢州淮南人也。嚴親
伍奢。官拜楚國納言。慈母王氏。受封碩德夫人。妻房賈氏。頗
有賢能。所可慮者。爹爹年邁。已近七旬。小生雖學成文武。尚
未知名。這也不在話下。方今天下。共有一十八路諸侯。占據
一方。各稱年號。將來干戈攘擾。黎庶定遭塗炭。因此朝則彎
弓擊劍。夜觀戰策兵書。待時而動。有何不可。

(太師引)試觀詳知戰守方。為將全憑著黃公智略。觀神書胸中
寬量。須勤習休教輕放。怕奸雄頓起聯成黨。怎容得亂世猖狂。
日間郊外馳馬彎弓。操勞一日。身軀困倦。且自盹睡片時。起來

再看休辜負光陰瞬息。如琢磨繡針。還是房樑。

(大力神隨老君上)

(前腔)脚駕祥雲從空降。到塵凡扶助英強。只因為穆公嫉妬。臨潼會要害諸王。吾乃兜率宮老君李聃是也。為那左喪門下界。保天下諸侯臨潼赴會。特來傳他奪命神槍。并賜盔甲。大力神隨我到子胥書房。就將神飛槍傳他便了。(大力)謹遵法旨。(老)你從頭施展衷腸。藝傳與他奪命神槍。好教他將身護防。在潼關攔雄兵百萬秦強。

(三學士)何人驚我夢黃梁。却原來是位仙長。仙長何來。尊姓高名。(老)吾乃兜率宮老君是也。(生)原來是李老君。念弟子有何德能。

感蒙老君下降。(老)因你忠心為國。不久干戈縱橫。你雖有此武藝。未能精通。為此特遣大力神。傳你追魂奪命神槍。以為後來之用。大力神就此傳槍。(大力)遵法旨。分開門路。真奇樣。便搜徧塵凡。沒此槍。(使槍介)(生)妙。吓。從頭緊記在心腔。這神槍世無雙。(老)雖然如此。只是你尚欠力量。我有金丹一粒。今贈伊家。吃下此丹。管教力舉千斤。後花園中石獅底下。有一石匣。內有盔甲一付。神飛槍一桿。原是你的。今交付與你。翁腔好。助伊家去勤王。奇功在此桿神槍。你夢魂莫當虛言誑。牢記心頭細參詳。(同大力神下)(生醒介)老君請少住。呀。原來是場大夢。這場奇遇。非妄想。楚江山。咱獨掌。

夢中老君分付。後花園石獅底下。有一石匣。內有盔甲一付。神飛槍一桿。未知果否。且到花園中。便知明白。

(尾)從今後心開放。那怕干戈擾攘。辦炷明香。答上蒼。(下)

第四折 獻計

(點絳脣)(外)待漏隨朝。付晨光將耀。(末)陳天表。(小生)帝德洪高。(合)樂享豐年兆。

(外)扶植朝綱。轉數秋宮廷開處。總瓊樓。人間慢講神仙府。(小生)還讓王家富不休。(外)下官百里奚。(付)孤家姬輦。(末)下官甘英。(生)下官崔瓌。(合)列位請了。(外)今當國主升殿之期。只得在此伺候。(四)小軍四武士女宮官引淨上。

箭腔御極崇高躬承宗廟憂勤浩雨順風調上帝垂恩照

(眾見介)淨金殿輕風送薄寒珠歌翠舞錦江山欣逢天子推
朝長獨逞秦強社稷安孤家秦穆公身占陝地之尊位列諸
侯之上當今周天子把朝綱託付孤家執掌眾諸侯推我為
長因此秦國稱為上邦但雖稱陝地之尊怎及九五之貴意
欲謀占一統未知天意如何且與眾卿商議御弟首相(外付)
千歲(淨)孤家有件心事與二卿商議(外付)未知主公有何諭
旨(淨)自古天無二日民無二主當今周天子把朝綱託付孤
家執掌我國雖為上邦上有周天子下有一十七路諸侯况
今國富兵強帶甲百万乘此兵精糧足欲併吞列國成其一

統未知二卿有何妙計(付)主公在上。不是臣弟誇口。憑着臣手中刀。坐下馬。仗主上的洪福。憑平生的武藝。殺叫天下諸侯。人人喪膽。個個歸降。管取江山一統。穩坐乾坤。

(駐馬聽)主聽因依。臣子忠君分所宜。只憑俺胸中韜略。縱橫天下。列國魂飛。掃蕩諸邦反掌。為江山一統。如兒戲。況且糧足兵肥。只用俺武將持刀。用不着文臣把筆。

(淨)壯哉。御弟所言。甚合孤意。御弟平身。(外)主公在上。依臣之見。不用遣將發兵。妄動干戈。致使黎民塗炭。百姓流離。臣有斷龍絕虎十條妙計。管取各路諸侯。盡入牢籠。(淨)先生有何十條妙計。說個詳細。(外)千歲。